

山谷老人刀筆

七



山谷老人刀筆卷第十三

戎州三

與戴景憲奉議



再拜自使節之西未知定止故不能修問中間承  
令嗣惠書審動靜以爲慰書吏還州奉所惠寄王  
氏父子石刻知公之未忘不肖也感刻感刻即日  
秋暑未艾不審尊候何如伏惟豈弟慈祥神明所  
相閤中乃福六六七十二讀書勝進差遣竟何如或  
云永康關恐可得諸公所會乃不能爲公致一佳  
闕耶若万一須下荊州乃有參對之幸矣謹動手  
狀附承動靜伏祈爲道珍重謹狀

又

再拜黃斌老時相見高明文雅每會集極奉思也  
六六所寄絹欲作扇面似不中節如此寫去他日  
上扇絲緩急皆失字形勢也俟有裝背工令中破  
作短軸寫一真草可也作燈籠俗狀乃可施於茗  
區酒壚中耳成都舊有大字陳藏器本草三冊若  
爲置得一本幸甚或難得亦不固求也差遣定願  
奉數字之賜

又

再拜適對客而書吏來告行不欲又失通問之便  
上狀極不如禮惟君子能及人之情耳某再拜

荅楊齋郎

四首

頓首辱書勤懇喜以盛暑侍奉乃福某捨棄灑泐

不當行李得罪明時無可解說而足下相與无平生數千里之間精神感會勤々懇々如慕古人亦足以觀足下之不隨流俗故不待相識而相知也然當此盛暑未宜衝冒貽老者思念耳未即瞻對懷仰則勤尚異珍重謹奉狀

又

頓首伏承尊公豈弟之政在民民安樂之又得借寇恂之顧想見樂國風物之美恨不得身出其間耳欲作尊公書適病起疲於作二書已不能堪幸因問膳道嚮往之意

又

範道人其敬愛之友也公家父子能垂眄可見英鑑不凡然遂屈作院主似處之未得其所範公知見今兩蜀未有此人至其行業空識亦未易得吾輩當以師友待之耳古人云太一貴神五帝乃其佐也道尊德貴固不當以名位畜之也

又

遠寄建溪極荷勤篤不忘知殊喜双并恨發黔中來已苦誅求到骨耳今年送藥人計久亦來來即求便上小兒輩皆承存問感激

荅饒道尉向宗高

六首

再拜兩餘便熱喜承起居輕安伏奉手誨委掃除之幣於不肖之庭自視缺然何敢當先生之禮至所以為幣又不敢當也聞古者相見之禮以束脩

乘堂一犬言其足以將至意易致而不費也朝覲之禮天子受其贄而反其玉雖千乘之富亦不以其貨也唯足下之誠已達於不肖其幣則反諸從者衰俗之中稍以古道自振亦吾儕之職也伏幸照察

又

頓首重拜手誨不聽辭所將之幣似未見察也所諭行東脩者前書尽之矣幸足下三復之昔者孔子食於季氏不祭而食食於少施氏而飽曰少施氏食我以禮非以季氏之食不美於少施也足下諒之而已

又

頓首適者極道古人之義而足下終不察豈不肖之貪鄙汗陋素聞於世耶物有可以取則管仲與鮑叔賈分財多自與有可以無取則王陽不食西鄰過墻之棗物有可以與則孔子與元思粟九百有可以無與則斬於子華之母請粟故曰可以無取取傷廉可以毋與之傷惠二者俱失足下一舉而使彼已俱失之切以為過矣易曰初筮告再三瀆足下深思此義斷之可也

又一

再拜車從之西累日不聞金玉之音方深懷想忽辱專人賜教存問勤懇永尊夫人寢膳多福權慰無量當冒執還家亦小失調護喜承遂清康也所

射闕猶未決耶秋冷方阻參承千萬為親自重

二

鮮自源閣中文行之士也聞兩三到門昨乃幸一見承有哀王孫之意不識能割甫田歲取之數否如不能則自契至於成湯亦佳也又不能則盤庚徙民涉河猶可若乃衛文公之騾牝吾何望哉

又

頓首衰疾杜門所可晤語寡矣懷仰君子何日不勤承恩伸多貧里居在親側又得琢磨之益何慰如之知命向成都已一月矣相讀書不輟韓十隨而西牛死留此踏拖不可耐也鈇茶器極煩調護惠連曾殊佳滑淨厚實自到製道未始得此也猶有可恨無魚子碎紋耳因人為買細白入筒布一匹清水井欄布二疋蓋心布二疋於知命所取直也知命落魄歸不及事幸為求便先付來也內景墨蠟甚工戴倅寄十本皆不精也

答張道游

頓首衰疾杜門為君子之玉趾甚愧然得聞高誼之餘餘又以為幸耳伏奉手畢喜承舟次安穩惠辭餅極荷眷憐之意謹勒手記道謝萬一某再拜

又

杜門久不復從公家借吏卒故不廢人事不能一詣舟次惟君子能寬之耳承遂行時笑千萬珍重某再拜

荅石長卿

頓首旦來伏惟起居輕安所惠示文字義理貫穿  
自作語亦工李子中足下為長雄也如對策更須  
熟觀班固漢書論事之文則論須令有關鍵則百  
發百中如養叔之射矣別有他文歸邑中可更借  
爾也

荅王子厚四首

再拜辱書勤懇審秋來益得意於江山日用清勝  
何慰如之寄惠峨眉箏及東梅等荷不倦之意然  
箏已密封皆敗可惜也借示石恪畫一軸此天下  
妙筆也熟觀之動人神爽宋純時果染色極似趙  
昌枝葉乃似過之王友功夫雖到脫洒處蓋不及

也然花木之類直得真趙昌亦不必收本來格不  
高耳不審有孫太古佛像鬼神及胡難鷺鷥筆否  
有之俱欲借觀也所寄歐陽文忠雙井詩詞意未  
當雙井之價或恐非文忠所作今分上去年雙井  
可井洗石皚洒乾頻轉少下茶即如飛羅面乃善  
煮湯烹試之然後知此詩未稱雙井風味耳未卜  
面會希珍重

一

頓首所寄卷軸老人下筆不喜循界道卷終又寫  
不尽輒以一帑續之但如此亦自不凡耳一頌語  
拙意陋謾徃仰高之意雙井法當以蘆布作巾裹  
厚埴盞一隻置茶其中每用手頓之盡篩去白毛

并簡去其茶子乃磴之則茶色味柴勝也點時淨  
濯瓶注甘冷泉熟水煮盤煖盞令熱湯才沸即點  
草茶劣不比建溪須用熟沸湯也往嘗作建溪茶  
曲不審見之否或未見後信當寄也

三

伏承易名以避處冲甚善然寬字亦未甚好輒欲  
易貴名為朴可否既与子厚字叶又王朴周世宗  
朝名相其心術治行超然出一時人中心常切慕  
之也

又

再拜前辱書勤懃衰病老懶久不修問惟是懷仰  
何日不勤閏餘涉冬天氣小冷比來日用何如亦

萬年卷十三

六

得世外瀟洒人與之發明此道否古人之不從流  
俗之波自放於深山窮谷非為山川之美與不交  
世事而無憂患而已蓋欲深明已事關百聖而不  
愧質鬼神而無疑故於彼有所不願矣承山齋頗  
有書籍時亦挹其氣味耶石恪画妙絕亦不敢取  
但欲遍觀公家所藏耳須至樂豹隱二榜忽二書  
不能工謾徃石洞忽告行奉書草二千万珍重

荅王秀才

頓首車馬來將父命以厚逐客寔欽高義又觀眉  
宇有孝問之氣恨不能留從容以致琢磨之功然  
足以占君家父兄之賢也端人辱書礼甚厚某無  
所可用於此捐棄漂沒豈所敢承故足下家風好



賢樂善則可矣惠鞠翦憂其瘡慮尤佩憂忘之意  
欲分双井以報嘉德適發數十書遣遠來在僕未  
解及候地便也王定国尚未到計是益州幹事淹  
翔耳足下氣宇甚裕切揣量之但從師取友之功  
少讀書未及根本耳深根固蒂然後枝葉茂道源  
去塞然後川流長浮圖書云無有一善從懶惰懈  
怠中得無有一法從驕慢自恣中得此佳語也願  
少垂意不加功而談命猶不鑿井而俟泉也此乃  
齊智之所知既承傾倒見与故聊助聰明之万一

荅王定国三首

再拜頃兩辱賜書勤懶并損筆墨食味知公雖在  
顛沛未忘不肖也亦聞涉重險到官骨肉無恙又  
繕完解舍寒暑具宜以是可相忘於江湖猶故循  
病懶不復作記乃見所寄姚醫書知公缺望不作  
書猶不能忘不肖也某到轅道猶黔中也恨未得  
望顏色耳謹勤手狀承動靜

又

頓首秋冷伏惟起居萬福聞官所不至勞於吏事  
憂患之餘頗復勤孝亦有孝子相從講問欽仰不  
已某衰疾老懶百事廢忘不復堪事矣今年來病  
滯下十餘日比因積雨舍中水夜上為冷所逼又  
暴下十數行於今体氣極寒所進皆極温燥藥生  
冷不得忘近矣聞公頗有張公无恙時所燒諸金  
石鍾乳輩可以扶衰幸見分也某再拜

又

頓首聞張夫人多病遠官意態已不堪又常須醫藥想亦匆匆耳嬾人多兒女之戀外間事不須每令知也古方有治百合病者云意欲食無不能食當默二欲卧復不能卧欲出行復不能行飲食或有美時或有不聞食氣時如寒無寒如熱無熱身形如和其脉數此豈夫人疾狀耶意欲用四物湯加百合等分同煎二成調成煉鍾乳二大錢計三兩日中可知能試用之否字如諸人皆無恙乎

荅王周彥二首

辱手書勤懇并寄詩文意氣駸翼二出門無已万里古人所謂斷以不疑鬼神避之如公筆刀他

聖卷三

八

日孰能當之徃徃元祐初与秦少游張文潛論詩二公初謂不然久之東坡先生以為一代之詩當推魯直而二公遂捨其舊而圖新方其初改轅易轍如枯弦敝軫雖成声而踈濶扶實不滿人耳少焉遂能使師曠忘味鍾期改容也如足下之作深之以經術之義味弘之以史氏之品藻合之以作者之規矩不但使兩川之豪士拱手也未即得面馳情無量秋初覲能一來快尽此事謹勤手狀

又

承示周易求簽記古人致意處此季不可用今之治經進士規矩也又小字老眼所不能讀遂不能承來旨也大概讀書要識宗旨周易者以與民同

憂患為宗聖人以此洗心空無一物乃見憂患之源故其言皆自根極中来故曰神而明之存乎人若非道器位稱其言而道之全体不可卒也故曰苟非其人道不虛行夫道者處之下甚易知甚易行其枝葉在上其根本在下故求道於德業之上者其去道遠矣故曰穷神知化德之盛也過此以往未之或知也試以此三語求易則思過半矣觀足下於所聞所知每反身而行之如此去易不遠但求之過耳

荅楊明叔

再拜啟待罪穷壑與魑魅為鄰平生李問亦以老病昏塞既無書史可備檢尋又無朋友相吊磨琢

九

直一談一笑流俗相看耳忽蒙賜書存問勤懃且承安貧樂義不混鄉黨賣屋以為道塗之資載書以為到官之業想見風采定慰人心固有君子何陋之有不肖早衰五十而無聞日月餘幾得好李之士相從尚或有所發明望風欽嘆無以為喻謹奉啟道願見之意心之精微非筆墨所及伏惟照察謹狀

荅嚴君可

頓首流落裔土不復見中州故人忽承君可以書見教氣味深遠識慮當的累年衰白不復夢見古人頗覺神明頓還舊觀自喜垂老又得友也遇舍不能為足下作薄主人不審旅食何以偶為張持

義記仁祖御飛白書後試往一讀其從來不知作  
文章之閔紐老來下筆更覺義味不足如君可深  
於其趣者也幸爲指擿瑕點音黃霸自繫尚言朝  
聞道夕死可矣夏茂勝感其言援以經術况方在  
材泉間無事時乎想不惜萬金良藥起此痼疾

荅郭英發

頓首發春即治僦舍悉謝遣公家人惟兩僕夫備  
使令事躬親所以不能嗣音更兩日僦舍亦畢  
工矣然自遠方來督書者凡七人又當作書累日  
其覺勞蕭也辱書承侍奉吉慶爲慰双井有可與  
同味者乎兒輩煩記憶大者讀書小者踉蹌幸無  
他耳舍弟未來聞正初到魚洞矣純上座歸吉州

將一月唐道人亦且行矣七佛偈誰所作猶問五  
子之歌誰所作也五觀佛語也爲士大夫開此觀  
山谷語也東溪老后山開先長老行瑛歷陽公王  
安上純父是時爲和州守叔之宗少文南史有傳  
陸探微畫與顧凱之可並馳爭先少文茂深略同  
時也西臺禮部員外郎李建中名士也國初權西  
京留司御史臺故時號李西臺書蛛絲所謂蠅蝟  
在戶者煤尾屋塵屋塵舍黑醫方謂之烏龍尾銀  
鈎蠶尾晉征西史索靖如得雀張筆法自言吾言  
如銀鈎蠶尾山芥紫椹計是佳蔬但恨爲聚蚋之  
味所敗耳銅研少留意幸甚烏豆粥大烏豆一  
腐宿洗淨用七升水浸明日入油一斤炭火煨

當糜爛可煮三升米米極熟下豆入白糖一斤  
和勻入細生薑末四兩是謂粥矣纏頭事不能  
記其人姓名未可得信三子名字訓作書忙又未  
能就筠竹贊頌文陋筆弱皆不足傳乃煩刻石但  
增愧爾東坡公聽瑟瑟一曲奇甚試用澄心堂紙  
寫去因詩句豪壯頗增筆勢或有佳石試刻之置  
齋中亦一奇事也

又

頓首前日既相約適會千騎見招遂不得奉聞愧  
悚辱教喜承日用輕安惠示四頌詞意高勝欽嘆  
不已然但插無根花滿園非不照曜風日但不耐  
久耳要須且下十年工夫識取自己則有根本凡  
有言句皆從自根本中來殊不與認奴作郎認賊  
作子時文章同味也今日不出能見過可共前日  
所碾茶也垂喻婦翁之意感愧感愧幸為致問千  
萬度里中耆德平居亦罕出積兩道阻何必以人  
事為意他日晴快策杖尋嘉園或可邂逅也

荅僧從之

頓首中間辱書勤懇衰疾老懶久不能通問實不  
忘遠相傾倒之意石洞來響動靜為慰金碧堂想  
開展殊可觀恨匏繫無由一登覽耳堂榜謾書去  
不識可意否漸冷千萬珍重

又

純公頗得音問否聞方廣深遠少過賓客得數僧

同粥飯想亦樂之然一去未嘗得一字也對青竹  
執之遂成然今年但出細篔作竹一條耳計亦是  
移來根裔不壯又堂後土性不美故耳

山谷老人刀筆卷第十三

山谷老人刀筆卷第十四

戎州四

與趙中錫判官

再拜軒蓋兩過戎苻屈左頤衰疾杜門人所厭弃而公獨憮々如此自視缺然无以致此特出於忠厚不問炎涼耳炎江初暑乃似中州盛夏不雨輒作瘴疠不啻比來尊候何如王事不至勞勤否家弟經過甚煩重頤感刻感刻未緣瞻近臨書增懷千万珍重

又

錄意新聞殊慰孤陋衰疾慵惰乃以杜門守四壁爲樂尤苦時有賓客俗氣未除耳入夏來欲閱藏經尚以書信發遣未透頗竟曾中塵埃更半月必得閑也書尺堆案作狀極草々伏幸照察

荅黔州馮興文判官

再拜屢蒙賜教勤懇曲折衰疾老懶書問不繼惟有懷想无日不勤承薦章已應格何時得解印遂就遷陞耶尊公左右想數得壽康之問令弟所授何如闕閣中万福諸小娘子安勝寶郎長茂未緣面會臨書馳情千万珍重

又

頤首承未即解印且得還幕下凡百安便也王補之小疾遂不起可悲可痛觀其怠氣殊未衰不謂遷至於此然子弟多修立身後亦不狼狽也但

下襄陽居而未諳其風俗人情或止於荆南耳  
賈使君明了辦事想官酒厨饌各成次第宋侂况  
安健時復游衍山水間否某僦居城南不復與公  
家相關時之策杖過民間輒終日亦自忘歲月之  
往也

又

邑中无事想頗得與升之對書冊閑談建溪貳拾  
罇謾送同碾以開釐酒昏睡想此書到已治行軒  
矣文字更須數日蓋嬖人從未遣去日食飽腹便  
但宰予耳

荅黔州陳監押

三首

再拜奉別遂二十許月通書不數懷仰則勤九月

末岳殿直方送春初所惠書來皮子皆蚶損瀘戎  
往來之人如織此君乃慢事如此雖然亦足觀公  
於不肖之勤也承還來王事不至勞瘁閣山清健  
賢郎不廢李開懋无量聞賈使君明快解事宋侂  
遂全安想郡政殊辦時有歌弄之會對江山否賦  
老才格甚不凡所恨相遠不能取來此讀書如旁  
近局促先生難使之長育人材尔向嘗干王補之  
為公措置一差遣不意此公遂如此俟新帥到試  
更圖之不知閣中能令遠來此讀書否見讀書惟  
鈍資質下劣未嘗不思斌老之明利卓立也未緣  
瞻承臨風懷仰千萬清修不懈自珍自壽

又



頓首承賢郎讀書作詩寫字皆日進甚慰父列之意恨相遠無緣致琢磨之功惟深念金玉之質可惜虛過歲月耳四十拙鈍如物但不廢書耳王補之小疾遂不起令人哽塞觀其意氣殊未衰不謂遽止此也摩圍閣尚掃除否新双井數兩可用苦心布揉篩去白毛細之用嫩湯點可携就摩圍煮活翁井泉也

又

斌老得書喜侍奉安樂讀書不懈黔中難得師惟可閉門自讀書古人云讀書百遍其義自見惟要不雜李悉心一緣義理之性開發但以韓文爲法李作文字且不用作時文經義之類如此等物若修李成看太矣經義三五日便可成就有餘也草書水墨之類且置作之妨人讀書全功胡斯互清修節行甚美可去游從恨渠遂隨計入都耳左傳前漢讀得徹否書不用求多但要消之不廢江出岷山源若壑口及其至於楚國橫絕千里非方舟不可濟惟其有源而不息受下流多故也况无人講勸但焚香正座靜想見古人自當心源開發日勝進也今寄王獻之黃庭張長史草書十文可觀古人用筆之意

荅黔州赴水令田師閔

再拜衰病慵懶別來不復能作書惟有懷仰兩屨  
辛勤懇如奉光儀承治縣政成美夏信服齊閣

何慰如之其杜門不接人事頗得閑談之味  
未緣參承惟冀爲國自重

又

頃首承賈使君賢明又有風力想治郡殊有條理  
州縣一家當復易爲敏手耳前承誨諭不忘碩罪  
廢之跡雖言不能爲左右重耳聞尉公甚才美邑  
中得之當數有佳集對江山也

荅黔州譚司理

再拜衰疾老懶別來書問不繼惟是懷相与之厚  
何日不勤兩辱賜書皆重複累紙審在公不廢大  
儒潦倒之態諸郎讀書勝進何慰如之聞賈使君  
賢明宋倅所苦遂安和想郡政極清辦僚佐皆得  
閑適乘閑亦得役容摩圍山水否未緣會面臨書  
馳仰千万珍重

又

賢郎性和易濟以經術即成佳士但師友非長育  
人才之匠恐不能及其才耳公墊江生事况優裕  
二歲鄰百千便可致一佳士在門勿令与悠悠之  
輩雜处則子弟日聞所不聞公亦得博約之益矣

荅黔州崔少府

再拜中間辱迹中所惠書并寄黔江題名記甚慰  
衰疾老懶又不遇便人故因循不作書徐三班般  
家人辱書勤懇感慰无以爲諭山中岑寂王事清  
簡想亦隨綠宴坐觀書登煊風日黃雞白酒互有

以樂之耳興文得歸殊自喜但不知後來攝邑者  
能相照否彥修許京削而以令狀塞責蓋是奇耦  
之數非人事也如公才器他日當任通邑大都待  
大人君子發之耳尊府數得安問不歷陽滕縣皆  
得書否所須書字常爲作書時猝迫又不能成亦  
是不急事耳石刻數種謾往恐兵輦調護不謹封  
在鼎臣部子中可就取之江山悠邈向往何日不  
勤千萬自重

荅李德素 三首

再拜德素家翁承議家母縣君秋涼伏惟尊候萬  
福遠蒙遺書存問敬佩眷憐之意比承節然外除  
又有析生之感此物理之必至人情之不能一各  
其所安惟所遇安之而已度公宵中今亦浩浩矣  
寄惠建溪吳朮刻絲又承家母遠惠家機衣著累  
意重複感愧感愧所教且勿作文字此至言也謹  
服之無斃女子關於教訓想奉事溫清多所不周  
乃蒙稱譽過當愧悚愧悚太平眼放光明照破四  
天下禪子奔轅固宜獨切怪長者造門之晚也未  
緣瞻承臨書懷仰千萬珍重

二

再拜承令嗣居家不廢學小郎讀書精慧三聰好  
女童進長茂良慰遠懷或妄傳所作語以爲親友  
之憂雖老病昏忘不至如是鄙俚也時時戲書未  
嘗及出事但老農漁父山川田里間言語耳不審

幾時到都下若得一差遣在京西或湖北可數通書何慰加之太平清公盛德之士道眼明徹非往時相會所說肚撰禪也人生無幾各已頭白惟此事不可不刻意况公有敦信樸茂之質幸勿寶所藏敝帚不務打撲令淨也辱知辱愛至深至厚故敢進此告語

又

再拜德素親家翁宣德秋深淮南尚熱即日不審尊候何如遠蒙賜書勤懇感慰無量日月不居承遂祥除求思罔極何以處情又聞孤幼有言不免析煙想尤深頽復之痛耳德素常入諸禪探玄問道頗有得力處否以時日計之車馬入都當已得

闕還坐中矣夫緣瞻承巾屨千萬為道自重謹勒手狀九月二十三

荅李郎

書至李郎先輩即日秋冷想侍奉吉慶三十三娘安勝三聰童進長茂久不得書方深思念忽得通直院二莊客至如從天上落也承彼上下動靜甚悉寬慰無量寄吳木綾綃線等甚愧煩費知周妳能管句三聰童進妳子得力安奴近來喜循理亦不極惱人遠想如在目前也擇道家二十一娘雖是妯娌渠乃是姑行當稍推尊之也知不免析居此乃人家常事人生厚薄隨緣不必介意也某往在萊縣及北部無置鋪之地而嫁三女弟事辦而

不能瞿懷也張年定晚得男想其上下堪喜可  
知四十親情至今未定若得北地士人家在此相  
當者便與娶婦某不欲令遠去今年來驟長考未  
聞哀喪矣所須書字閑時多有輒爲人取去因人  
旋寫得數紙試點檢與三祖山語意何如萬里憶  
想江山渺然人生惟有忠信孝悌長父事耳餘不  
足復道千萬將愛不具九月二十三日書

荅李允正

再拜允工親家都轄通直自去年十一月德素院  
莊客回遂不奉來教每深瞻望忽蒙專使及門開  
慰千萬承還家待永安之闕家母縣君子舍諸孫  
皆清安爲慰大雲僧舍平生所游愛其山川徘徊  
不能去佛寺後有達觀臺不肖所名亦勸戴氏崇  
飾作一登臨處不知今何如矣遠寄建溪吳朮并  
煩家母惠家機衣着甚愧頗辱眷恤也某到棘道  
逾歲遂能其風土但時飲一盃酒耳至今未能少  
葺生理然衣食厚薄隨緣亦足不煩過念也江山  
萬里懷想則勤願爲民自重九月二十三日

荅李大受

頓首辱書勤懇審侍奉不墮子職二十一娘二外  
生皆安勝爲慰遠惠山朮極是衰疾所須感刻感  
刻更煩二十一娘寄衣物甚過當愧悚永安乃山  
水佳處平生屢到未嘗不徘徊瞻視也隨侍想安  
樂往作達觀臺二詩計今猶在臺上試爲訪之三

十三娘來報屢承二十一娘招喚恩意勤重遠  
感駭無以為喻遺教經以秋熱甚老懶不耐事久  
之不能下筆近方寫得今寄不知可意否蜀紙空  
樽子面謾寄遠意紅刻絲一疋寄二十一娘微  
甚愧糝潭紙可作書簡種成者三二百張真雞距  
策心筆數十因使人只寄荆南士大夫家便可達  
或難得便亦不固求也相望萬里會面無期千萬  
勤孝為親自愛九月二十四日

### 答李廣心

廣心主簿弟得所寄書知官下不忘孝問時至太  
平探幽味玄別後乃能如此何慰如之大舅李士  
左右當每得安問即日王事不至勞勤新婦安裕  
幼弟讀書勝進諸姪長茂龜父外生老於場屋作  
人亦自清苦客授邑中當承豈弟之蔭不知今奉  
利鈍何如師川遂能杜門擇士與游問孝有自得  
趣他日當為豫章一名士但恨彼未有因士與為  
師賓耳承主簿廳作雙寂堂乞名謾作數語還可  
意否老夫顏鬢與都門相別時大槩不遠老鬢如  
故四十今年甚長老杜所謂吾笑汝身長者也知  
命到家不能一二月復以舟載李慶韓十上成都  
矣相望萬里會面無期臨紙惘然千萬勤官強學  
為親自愛九月二十三日某寄

### 答叔震

頌首遠辱惠書勤懇承里居日用輕安奉持佛律

也悅禪師語錄序政以欲簡言語遂以下筆成都  
互有人來乞此本云得序即大字刻印也朱時發  
往時與同榻十數夜百種穿鑿終無入處蓋宿无  
般若種子然其存心甚美常令人念之徐師川資  
質甚茂亦為琢磨之否唐君益有智慮當官善聽  
人謀若回光於此道誰能映蔽但苦不自肯耳

又

承懷寧富翁出於名家而孝弟間孝悌未相識也  
寄芝草石刻但老人不作詩已十餘年如老海不  
復可施粉澤矣幸為道此意德素諸人不能來叩  
門鍵蓋是護惜舊聞以謂禪家愛着木樵子換人  
眼精但不知乃是一對木樵子耳知命百事長進  
惟此道全无交涉渠既不及亦无下手處四十性  
和厚不爭而義理之性終未發且令熟誦書勤為  
講解浸潤之耳知命來峽中得一子曰牛兒頭骨  
奇壯性氣磊落他日或是吾家千里駒也

山谷老人刀筆卷第十四





